

ЎЗБЕКИСТОН RESPUBLIKACИ MOЛИЯ BАЗИРЛИГИ  
ЎЗБЕКИСТОН RESPUBLIKACИ MAPKAZИЙ БАНКИ  
БОШҚАРУВИНИНГ  
ҚАРОРИ

**145** Қишлоқ хўжалиги корхоналарининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2011 йил 7 апрелда рўйхатдан ўтказилди, рўйхат рақами 1675-1*

*(2011 йил 17 апрелдан кучга киради)*

Ўзбекистон Республикасининг «Ўзбекистон Республикасининг Марказий банки тўғрисида»ги (Ўзбекистон Республикаси Олий Мажлисининг Ахборотномаси, 1995 й., 12-сон, 247-модда) ва «Банклар ва банк фаолияти тўғрисида»ги (Ўзбекистон Республикаси Олий Мажлисининг Ахборотномаси, 1996 й., 5-6-сон, 54-модда) қонунларига мувофиқ Ўзбекистон Республикаси Молия вазирлиги ва Марказий банки Бошқаруви **қарор қиладилар:**

1. Ўзбекистон Республикаси Молия вазирлиги ва Марказий банки Бошқарувининг 2007 йил 13 мартдаги 30, 288-В-сонли қарори (рўйхат рақами 1675, 2007 йил 14 апрель), (Ўзбекистон Республикаси қонун ҳужжатлари тўплами, 2007 й., 16-сон, 168-модда) билан тасдиқланган «Қишлоқ хўжалиги корхоналарининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисида»ги низомга иловага мувофиқ ўзгартириш ва қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Молия вазири**

Тошкент ш.,  
2011 йил 23 февраль,  
8-сон

**Р. АЗИМОВ**

**Марказий банк раиси**

Тошкент ш.,  
2011 йил 23 февраль,  
1/2-сон

**Ф. МУЛЛАЖОНОВ**

Ўзбекистон Республикаси  
Молия вазирлиги ва Марказий банки  
Бошқарувининг 2011 йил 23 февралдаги  
8, 1/2-сон қарорига  
ИЛОВА

**Қишлоқ хўжалиги корхоналарининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисидаги низомга киритилаётган ўзгартириш ва қўшимчалар**

1. 3-банднинг учинчи ва тўртинчи хатбошилари қуйидаги таҳрирда баён этилсин:

«пахта хом ашёси етиштириш харажатларини молиялаштириш учун ҳосил етиштирилаётган йилнинг 1 апрелига қадар пахта хом ашёси қийматининг 25 фоизгача, 1 июлга қадар 50 фоизгача ва 1 сентябрга қадар 60 фоизгача; ғалла етиштириш харажатларини молиялаштириш учун ҳосил етиштирилаётган йилнинг 1 январига қадар ғалла қийматининг 30 фоизгача, 1 апрелга қадар 50 фоизгача ва 1 июнга қадар 60 фоизгача.»

2. 4-банднинг иккинчи хатбошиси қуйидаги таҳрирда баён этилсин:

«Кредит миқдорини аниқлаш учун амалдаги ўртача харид нарх асос қилиб олинади.»

3. 5-бандда:

а) еттинчи хатбошидаги «СФУлар (сувдан фойдаланувчилар уюшмалари)» деган сўзлар «СИУлар (сув истеъмолчилари уюшмалари)» деган сўзлар билан алмаштирилсин;

б) саккизинчи хатбошидаги «(муддати ўтган ер солиғи. Муддатли ер солиғи тўловлари қонунчиликда белгиланган муддатларда тўланади)» деган сўзлар чиқариб ташлансин;

в) тўққизинчи хатбоши қуйидаги мазмундаги тўққизинчи, ўнинчи ва ўн биринчи хатбошилари билан алмаштирилсин:

«Электр энергия тўловларига;

Уруғлик учун тўловларга;

Қишлоқ хўжалиги корхоналарининг пахта ва ғалла етиштириш билан боғлиқ бўлган бошқа зарурий эҳтиёжлари учун ҳам тўловлар амалга оширилиши мумкин. Бошқа зарурий эҳтиёжлар ҳисобидан пахта ва ғалла етиштириш билан боғлиқ харажатларига, банк хизмати, хўжалик ва идора харажатлари, ички хўжалик ирригация ва коллектор-дренаж тармоқларини тозалаш харажатлари, суғурта харажатлари, қонун ҳужжатларида назарда тутилган ҳолларда тўланадиган Қишлоқ ва сув хўжалиги вазирлиги ҳамда фермер хўжаликлари уюшмаларини сақлаш харажатлари учун тўловлар амалга оширилиши мумкин.»

4. 6-банднинг учинчи ва тўртинчи хатбошилари қуйидаги таҳрирда баён этилсин:

«Қишлоқ хўжалиги корхонасининг бирор-бир харажат тури бўйича тўлов-

ларга эҳтиёжи бўлмаган ҳолларда мазкур Низомнинг 5-бандида назарда тутилган пахта ва ғалла етиштириш билан боғлиқ бўлган бошқа рухсат этилган харажат турлари бўйича, шунингдек қишлоқ хўжалиги техникаси сотиб олишга, ички хўжалик ирригация ва коллектор-дренаж тармоқларини тозалашга ишлатилиши (минерал ўғит, кимёвий ёки биологик воситалар, ёқилғи мойлаш материаллари ва уруғлик материал харажатлари бундан мустасно) мумкин.

Агротехник тадбирларни амалга ошириш учун ажратилган имтиёзли кредит ресурсларининг рухсат этилган харажат турлари бўйича мақсадли сарфланиши юзасидан мониторинг қишлоқ хўжалиги корхоналарига хизмат кўрсатувчи тижорат банклари зиммасига юклатилади.»

5. 9-банд қўйидаги мазмундаги иккинчи хатбоши билан тўлдирилсин:

«Олдинги йилларда ажратилган имтиёзли кредитлар тўлиқ сўндирилгандан сўнг жорий йил ҳосили учун имтиёзли кредитлар берилади».

6. 11-бандининг биринчи ва иккинчи хатбошилари қўйидаги тахрирда баён этилсин:

«Кредитлар қайтишини таъминлаш мақсадида, тижорат банки давлат эҳтиёжлари учун харид қилинадиган пахта хом ашёси ва ғалла етиштиришни молиялаштириш мақсадида қишлоқ хўжалиги корхоналарига берилган имтиёзли кредитлар қайтарилиши бўйича ўзининг тадбиркорлик хавфини суғурта қилиши мумкин. Бунда, суғурта ташкилотлари томонидан тақдим этилган суғурта полиси кредит шартномасида белгиланган кредитнинг бутун қайтариш муддатига берилади. Суғурта ташкилоти билан келишилган суғурта пули тақдим этилаётган кредит миқдоридан кўп бўлмаслиги зарур.

Доимий равишда давлат буюртмасини ва тижорат банки олдидаги мажбуриятларини бажариб келаётган фермер хўжаликларига кредитлар қонунчиликда белгиланган тартибда таъминотсиз (ишончли кредитлар) ажратилиши мумкин.»

7. 14-банднинг «в» кичик банди қўйидаги мазмундаги «в», «г» ва «д» кичик бандлари билан алмаштирилсин:

«в) СИУлар (Сув истеъмолчилари уюшмалари), ўсимликларни биологик усулда химоя қилиш учун биологическая лаборатория ва биофабрикалар томонидан кўрсатилган хизматлар учун тўловлар уларнинг махсус 23210 (23220)-сонли ҳисоб рақамларига ўтказилади;

г) мукобил МТПлар томонидан кўрсатилган ва кўрсатиладиган техника хизматлари учун тўловларда, маблағлар уларга хизмат кўрсатувчи тижорат банкларида очилган махсус 23210 (23220)-сонли ҳисоб рақамларига ўтказиб берилади;

д) бошқа ташкилотлар томонидан кўрсатилган хизматлар ҳамда эҳтиёт қисмлар учун тўловларда, маблағлар ушбу ташкилотларнинг талаб қилиб олингунча депозит ҳисоб рақамларига ўтказиб берилади.»

8. 15-банд қўйидаги тахрирда баён этилсин:

«15. Тижорат банклар тўловларнинг ссуда ҳисобварағидан мазкур Низомнинг 5 ва 6-бандлардаги мақсадлар ва агротехник меъёрлар бўйича амалга оширилишини назорат қилади. Тижорат банклар суғурта ташкилотлари ва

Қишлоқ ва сув хўжалиги вазирлигининг туман бўлинмалари билан биргаликда суғурта шартномаси асосида ҳар бир қишлоқ хўжалиги корхонаси бўйича пахта ва ғалла экинларининг ҳолатини ва бўлажак ҳосилнинг берилган кредитларнинг қайтарилишини таъминлаш учун етарлилигини аниқлаш мақсадида доимий мониторинг ўрнатадилар».

9. 16-банддаги «Ўзагросуғурта» ДАСКнинг» деган сўзлари «суғурта ташкилоти» деган сўзлари билан алмаштирилсин.

10. 17-банднинг иккинчи ва учинчи хатбошиларидаги «Ўзагросуғурта» ДАСК бўлимларига» ва «Ўзагросуғурта» ДАСК бўлимлари» деган сўзлар тегишли равишда «суғурта ташкилотларига» ва «суғурта ташкилотлари» деган сўзлар билан алмаштирилсин;

11. Қуйидаги мазмундаги 19<sup>1</sup>-банд билан тўлдирилсин:

«19<sup>1</sup>. Давлат эҳтиёжлари учун етиштириладиган қишлоқ хўжалиги маҳсулотларини етиштириш харажатларини молиялаштириш учун тижорат банклари томонидан ажратилаётган имтиёзли кредитларни белгиланган мақсадлар бўйича йўналтиришга мансабдор шахсларнинг аралашуви қатъиян тақиқланади».

12. Мазкур ўзгартириш ва қўшимчалар Ўзбекистон Республикаси Қишлоқ ва сув хўжалиги вазирлиги, «Ўзагросуғурта» ДАСК ҳамда Ўзбекистон фермер хўжаликлари уюшмаси билан келишилган.

*Қишлоқ ва сув  
хўжалиги вазири*

**З. РУЗИЕВ**

*2011 йил 23 февраль*

*«Ўзагросуғурта» ДАСК  
Бошқарув раиси в.б.*

**Ф. КАРИМОВ**

*2011 йил 23 февраль*

*Ўзбекистон фермер хўжаликлари  
уюшмаси раиси в.б.*

**Т. БОЗОРОВ**

*2011 йил 23 февраль*